

消灾救苦經

穿珠偈

造妖言正犯處死同居成丁男子充軍老幼隨住妻小無憑隨住奏

請

一件不法事成化十二年九月內該都察院左都御史李 等題稱各犯另居遠方親屬俱免發遣其候得推等已問重刑止有伊妻魏妙聰等欲便發去無憑隨住節該奉

憲宗皇帝聖旨是魏妙聰王妙貞常惠名各打八十放了欽此

禁約爲事問發問住爲民充軍降調等項人員不許在京潛住造言生事例

成化十三年九月初七日湖廣道至刑科抄出山東道監察御史許進題爲陳言禁革時弊事伏觀天順六年八月初八日

詔書內一疑天順年後官軍有爲事調發廣西等處充軍不曾到衛者文武爲事問發爲民累訴冤枉者限十日以裏赴通政司首告官軍改調北邊衛分差操文職無贖者令冠帶原籍間住俱不許潛住京師違者聽四隣拿首撥發極邊充軍容留之家一體治罪欽此欽遵及查得先該錦衣衛鎮撫司題爲不應等事該都察院覆奏近年以來各處有等無籍之徒投托權豪勢要之家充爲家人伴當恣肆強

雷良善及有等文武職官及吏役旗校軍民人等有因爲事或問發爲民充軍或擬站罷職冠帶間住或調降除或犯罪被捉在逃亦各來京潛住奸盜詐僞靡所不違奏乞出榜禁約等因具題奉聖旨是欽此欽遵近訪得爲事文武官員軍民旗校吏役人等中間有已問發爲民者有冠帶間住者有立功者有充軍者又有降調罷職者并犯罪被捉脫逃負累人衆久不出官者此等之徒俱各不行回還原籍及各該衙所專一在於京城內外四散潛住或令人妄訴冤枉煩擾

朝廷或因人懇求官府希望復職或出入權幸之門假其名而誑騙財物一不如意譏害百端或交結勢要之家借其勢而囑托公事稍有不從謗言肆起或

妄議時政而蔑視理法或譁論災異而動惑人心或毀謗朝臣或架捏平人之是非或暗地教唆詞訟使冤舍者無訴或匿名告言人罪使負屈者無伸直忠被誣良善受害事雖近於尋常利害所關甚大况今朝

覲在逃會試將至天下官員人等輻輳京師尤此輩逞惡之時也若不嚴加禁約深爲未便如蒙乞

勅該衙門查照先奉

詔書并奏

准事例出榜禁約仍通行錦衣衛巡捕官校并巡城御史督同五城兵馬司着落當該地方火甲人等逐一挨究但有前項爲事問發間住爲民立功充軍降調等項人員在於京城內外四散潛住者許半月以



稟聽其各回原籍及赴原編衛所標差閒住如有遇期不行者就便拿送法司照例問擬發落容留之人一体治罪如此則奸弊可革而良善不彼其害等因具題次日於

奉天門奏奉

聖旨是這廝每潛住京城造言生事非止一端錦木衛并巡城御史便督同兵馬司挨究姓名開報在官責令回還如有容隱的都重罪不饒法司知道欽此

收藏妖書在家觀看充軍

成化十九年七月初八日刑部尚書張等題該錦衣衛鎮撫司叅問犯人田城送司查得成化十年五月二十四日欽奉

聖旨先因各處愚民捏造妖書妖言扇惑人心屢犯刑憲已經出榜禁約豈期冥頑之徒不思改過仍蹈前非近日以來犯者愈衆恁都察院還出榜申明禁約今後官吏軍民僧道但有收藏妖書勘令等項榜文剗冒限一月以裏盡行燒毀與免本罪敢有仍前捏造收藏傳用惑衆者許諸人赴官首告正犯處死全家發烟瘴地面充軍隨住首告得實之人量給官錢充實優免雜泛差役三年欽此欽遵看得田成收藏妖書雖不曾傳用惑衆却不合不行燒毀在家觀看情犯不為